

# RESTAURACIÓN DA IGREXA DE SANTA MARÍA DE DONRAMIRO

ARQUITECTO: LUIS FERNÁNDEZ FERNÁNDEZ

XUNTA DE GALICIA. CONSELLERÍA DE CULTURA, EDUCACIÓN E ORDENACIÓN UNIVERSITARIA. DIRECCIÓN XERAL DE PATRIMONIO CULTURAL



A tribuna tivo que ser reconstruída por completo, recuperando o mesmo entrevigado e pontonado, e mesmo os tapaxuntas dos que dispoñía, dado que tiñamos toda a información precisa para facelo.

Na cuberta, sen embargo, ao ser totalmente de nova factura, recorreuse a un entaboado separado, tal que lembra ós entaboados tradicionais, e, ao tempo, a un tapaxuntas en negativo.

Executouse unha balastrada de nova factura, para o que se empregou o mesmo motivo decorativo das ménsulas.

Na sancristía se executou o falso teito que se constatou que tivo, recorrendo tamén ó entaboado de castiñeiro con xunta aberta.

A tribuna da sancristía se recuperou totalmente con madeira preexistente no templo (entre esta tribuna e a da nave). Na restauración efectuada nestes elementos, así como nas carpinterías, se constatou a cor primixenia que tiñan, a cal se recuperou para todos os elementos que demostraron tela.

A restauración chegou mesmo a certos elementos de mobiliario, coma os fermosos confesionarios empotrados no muro.

